

閩

詩

錄

閩詩錄丙集卷八

侯官鄭杰原輯

宋

侯官陳衍補訂

謝天民

補

天民字彥先建安人紹興十年以左承事郎
知仙遊縣有興起學校之功

贈陳常翁

一經教子足三冬議論孤高有孟公學到內融多樂
地心無外慕自春風我慚言偃絃歌化君在周公禮
樂中三百三千煩指示許惟蹊徑一源通

仙遊
縣志

鄭將

將字天任莆田人紹興中國子監元

和李侍郎移竹

仲夏竹迷日長竿帶葉移地生宜雨潤根淺畏風吹
劇破沿階蘚添成宿鳳枝子猷清酒意應與渭川期

徐壽仁

壽仁字子由號菊坡師仁弟莆田人紹興中
布衣

題書寂軒

輕雲扶曲檻少坐覺幽深泛酒誰同話敲詩獨寫心

竹聲流草榻鳥語惹花陰門外呼童掃客彈月下琴

黃端

端字秉燹莆田人紹興十二年南省第二名

安溪知縣

虎脊初終梟獍飛龍髯半落鬼神疑行人二月登廬
嶺點點驪珠欲洒碑

薛珩

珩字景行莆田人紹興十二年進士歷廣東
湖北憲司檢法官終梅州守

瑞雲潭

夾漈先生所居夾漈
應聘時有雲起屬天

一派寒潭闕碧虛閒雲自有卷還舒夜來數仞祥光

起早去溪頭聽詔書

案見蒲田縣志

張元幹補

元幹字仲宗長樂人向伯恭之甥紹興中坐

送胡邦衡詞得罪除名有蘆川歸來集

茗溪漁隱叢話云余宣和閒居泗上于王周士處見張仲宗詩一卷因備錄之後三十年于錢塘與仲宗同館穀初方識之因戲謂仲宗曰三十年前已識公于詩卷中仲宗請余舉其詩渠皆不能記反從余求之

夜宿宗公丈室求詩甚勤爲賦五字

林表登層閣秋聲聽暮鐘鴉鳴苦竹寺雨閣亂雲峯

屢乞留新句重來訪舊蹤松門罕車馬似喜老夫逢
次韵晁伯南飲彥達官舍心遠堂

今夕知何夕真成累十觴爐薰飄月影蜜炬翦花香
政嬾還詩債無從發酒狂故人憐久客舞袖要須長
以上蘆川
歸來集

瀟湘圖

落日孤煙過洞庭黃陵祠畔白蘋汀欲知萬里蒼梧
眼淚盡君山一點青艇齋詩話

熊克補

克字子復建陽人紹興進士直學士院

壽芮祕書三首

帝調玉燭召春還，仙袂同時度九關。
萬品欲霑何處得，東風今起道家山。

歸來未對小延英，便向蓬萊作主人。
要督仙宮警玉籍，卻收眾妙入經綸。

冊府都無未見書，毫端萬斛瀉明珠。
若爲池上星辰履，謾與瀛洲作畫圖。

翰墨大全

李侗補

侗字愿中，劔浦人。從羅仲素遊，學者稱延平。

先生諡文靖，有語錄行世。

和靜菴山居

勝如城市宅花木擁簷前一雨曉來過羣峯翠色鮮
採荆烹白石接竹引清泉車馬長無迹逍遙樂葛天

延平府志

李彌正補

彌正連江人彌遜之弟官吏部郎兼史館

王文孺臞菴和祝鑑韻

勞車發危坂勑艘失飛湍滔滔襪襪子疾走殊未闌
鶴仙擺名宦結廬松江干笑拍萍風浮瞬視草露溥
圖川不媿輞序谷甯先盤門豈俗駕拒室無哀箏彈

按行松菊閒澹然有餘歡蓮巢衆香聚浮天百憂寬
秋光斂洲渚暮翠籠峯巒我來挾良朋道故盟未寒
鍊顏仰孤標耐久同蒼官終當役薪水刀圭卻衰殘

吳郡志

李茂之補

茂之邵武人忠定公綱之子自稱蕭然羈客

侍家君詣洞霄宮道出天竺山紀興

九里松陰路三天竺國山日蒸巖霧紫花點石苔斑
谿盡寺方到雲深僧獨還吟行隨杖履蹤迹出人間

天竺寺志

劉

韞補

韞字仲固韞之弟以門蔭入仕

建甯府志云仲固歷倅三州典二郡歸隱于崇安縣南所居有家山堂拙致堂昉齋仙人方丈龜峯樓月波臺積芳園藥圃春谷香界晚蔬秋香徑曲池軒前村秀野朱晦翁爲作十五詠以紀其勝

場南寺

曉起陰霾喜絕收急忙扶酒爲春留落花千點野亭
寂啼鳥一聲春事幽施食臺高禽易啄長明燈暗鼠
潛偷山僧摘茗吹茶竈留客殷勤學趙州

建甯府志

劉子翬

子翬字彥冲號病翁崇安人幹季子以蔭補承務郎通判興化軍尋以宿疾辭歸與胡憲劉勉之講學學者稱爲屏山先生朱子受遺命往遊其門有屏山集

案吳孟舉云詩與曾茶山韓子蒼呂居仁相往還故所詣殊高

吳傅朋游絲書歌

圓清無瑕二三月時見游絲轉空濶誰人寫此一段奇著紙春風吹不脫紛紛糾結疑非書安得龍蛇如許驅神蹤正喜縈不斷老眼只愁看若無定知苗裔出飛白古人妙處君潛得勿輕漠漠一縷浮力適可

挂千鈞石眷予弟兄情不忘軸之遠寄悠然堂謝公
遺髯凜若活衛后落鬢搖人光翻思長安夜飛蓋醉
哦聲落南山外亂離契濶四十秋筆意與人俱老大
政成著脚明河津外家風流今絕倫文章固自有機
杼戲事豈足勞心神

容齋三筆云吳傅朋游絲書賦詩者以百數
劉彥沖古風一篇尤爲馳騁痛快且卒章含
譏諷正中傅朋之癖

遊朱劭園

晨暉麗丹極翼翼侔帝居向來堂上人零落煙海隅
聯翩際時會振迹皆刑餘闔帷尙帝主阜隸乘軒車

流威被東南，生殺在指呼。樓船載花石，里巷無袴襦。
至今江左地，風雲亦嗟吁。叨榮已過量，受禍如償逋。
荒涼戟門路，尙想冠蓋趨。客船維岸柳，鄰人罾池魚。
徘徊極幽觀，曲折迷歸途。夜月扃綺戶，春風散羅裾。
繁華能幾時，喪亂實感予。曹鄴予何譏，此曹真人奴。

和李巽伯春懷

山寒古寺清，斷續春朝雨。遙憐遠客情，寂寞誰晤語。
平生氣軒昂，失意今易與。有酒卽佳晨，無兵皆樂土。
微吟對節物，林靜幽花吐。悠悠念鄉邑，耿耿悲豺虎。
知有濟時才，從橫在談麈。功名恐未遲，老翮期更舉。

諭俗十二首

故園喪亂餘歸來復何有鄰人雖喜在憂悴成老叟
爲言寇來時白刃穿田畝驚忙不知路夜踏人屍走
屋廬成飛煙囊橐無暇取匹夫快恩讐王法誰爲守
艱難厯冬夏遷徙徧林藪深虞邏寇知兒啼扼其口
樹皮爲衣裳樹根作糧糗還家生理盡黑瘦面如狗
語翁翁勿悲禍福較長久東家紅巾郎長大好身首
荒荒死戰場頭白骨先朽

西村人漸歸撐拄燒殘屋東村但蒿萊死者無人哭
昔茲號富穰被禍尤殘酷二三里中豪喪亂身爲僂

遺骸悵莫掩飢鳶啄其腹豈無平生時意氣凌鄉曲
錐刀剝微利舞智欺惇獨錦囊收地券奕葉相傳續
只今鄰叟耕歲歲輸官穀爾曹何顛愚人生固多欲
何州無戰爭閩粵禍未銷或言殺子因厲氣由此招
蠻陬地瘠狹世業患不饒生女奩分賞生男野分苗
往往衣冠門繼嗣無覆髻前知飲啄定妄以人力僥
三綱旣自絕餘澤豈更遙王化久淘漉刑章亦昭昭
那無舐犢慈恩勤愧鴟鴞寃報且勿論茲義古所標
愚氓擾潢池艱難亦常態簪紳有包藏事異吁可怪
豺聲久伺亂鯨戮終何悔游言張兇焰巧謀移機會

初如卵殼微跣踐悉糜碎養成羽翮雄飛掣鞬繩外
翦鉏淹歲月螫毒彌疆界向來詰端由罪白不容蓋
南冠囚載路東市誅其最隆寬俗與新僥倖汝勿再
野人厭羹藜家有庖丁刀徒誇批導手肯念耕稼勞
隱然肉山雄畏彼尺箠操春泥卧寒野夜月犁東臯
辛勤力已盡齧齶禍豈逃誰無惻隱心鮮能勝貪饕
蓋帷猶示恩况異犬馬曹

扇馬嚴內仗貂璫侍宸闈哀哉里閭間刁闖逮雞豚
放麇識忠盡毋卵著格言矧利肥甘軀絕其孳息源
難銷愛欲心物物天性存逆情氣必戾順化生乃蕃

誰開口腹謀無乃傷仁恩

粵人多悍驕風聲亦惟舊兒童僅勝衣挾釜相格鬪
藝精氣益橫質化心忘陋家饒喜稱俠世亂甘爲寇
豈伊天性然習俗所成就吾聞互鄉童翱翔聖賢圃
隱豹弄爛斑攻駒發馳驟佩觿爾何知義方得無謬
村南井欲乾曉汲盈瓢濁飲濁不足言奈此田畝涸
呀啞龍骨響煥爛陽鳥虐良農無他營辛苦事東作
春苗何葱芊秋刈何稀薄我雖食有餘念彼心不樂
乞靈走羣祀晚電明霍霍屯膏竟未施天意自難度
震雷霹枯松頑龍失其據浮雲三日雨盈畝復地注

商羊舞未休旱魃消何遽稍寬人心切仰荷天恩布
稻畦裏連顛按穗給朝飫菜畦擢新萌蕩滌死羣蠹
歲儉民怨咨時豐家悅豫青青寒秀色亦復貪雨露
茲鄉山水佳昔乃爲盜窟吾廬已煨燼荒草牆兀兀
牆東大梨樹惟此爲舊物火燒枝葉盡老本更奇崛
衆鳥罷高棲空庭失清樾鄰兒利薪爨往往肆戕伐
豈知昂霄勢長養自毫末寒堤孤碓在廢圃鳴泉出
衝茅且經營霜霰莫倉猝

未須葺吾廬且復修吾倉求安當卜居求飽當聚糧
營生力有限先此計頗長去年稻盈畦避寇不得將

新芽雨後白卧穗霜中黃鰓悖有飢色寇蠶餘稻梁
解衣易升斗糠粃隨風揚休嗟昔艱難喜茲歲豐穰
鄰翁爲人耕貯粟不盈箱溪頭廩與困纍纍已相望
縣牆挂德音盡弛今年租旄倪發懽謠助達和氣舒
皇恩施甚厚疲瘵望少蘇吁嗟吏舞文詔紙墨未渝
借貸盡白著勾稽窮宿逋培克儻歸公民貧猶樂輸
量權徵倍耗貧緣竊其餘甯逢盜剽攘厭聞吏追呼
盜姦久必戢吏姦無由鉏雷霆不言威肉食忍自誣
故態勿狃習窮閭勿侵漁勿謂天聽高勿謂黔首愚

觀二劉題壁

溫其題詩新
歷寺落筆風雨驚
長林眼高一世常欲
罵想見掀髯坐巖陰
致中題詩新興寺壞壁
歲久莓苔侵
山僧好事亦可喜
解誦鳥啼春意深
我來經覽潭如昨
玉友金昆念離索
投林倦翼不同棲
况復分飛在寥廓
故山終勝他山好
新交不如舊交樂
何况把酒問鷗盟
卧聽松風同一壑

汴京紀事

空嗟覆鼎誤前朝
骨朽人間罵未消
夜月池臺王傅宅
春風楊柳相公橋

篤禱清香步障遮
並桃冠子玉簪斜
一時風物堪魂

斷機女猶挑韻字紗

萬炬銀花錦繡圍
景龍門外輭紅飛
淒涼但有雲頭月
曾照當時步輦歸

橋上遊人度鏡光
五花殿裏奏笙簧
日曛未放龍舟泊
中使傳宣趣耶王

盤石曾聞受國封
承恩不與倖臣同
時危運作高城礮
猶解捐軀立戰功

梁園歌舞足風流
美酒如刀解斷愁
憶得少年多樂事
夜深燈火上樊樓

倉黃禁陌夜飛戈
南去人稀北去多
自古胡沙埋皓

齒不堪重唱蓬

上聲萊歌

輦轂繁華事可傷
師師垂老過湖湘
縷衣檀板無顏色
一曲當年動帝王

瀛奎律髓云不減唐人

開善寺

寒聲蕭蕭霜葉秋
石路礚礚穿林幽
雲橫遠岫若平
斷風約小溪如倒流
偶經名藍亦終日
喜有勝士同
茲遊移牀果茗咄
嗟辦杖屨欲歸仍更留

悠然堂

在崇安潭溪

吾廬猶未完
作意創此堂
悠然見南山
高風邈相望

賓至聊共娛無賓自徜徉

宴坐巖

青青樨樹林下蔭蒼蘚石幽人宴坐時懷抱忘其適
不見暮樵歸寒山雨中碧

以上屏山集

劉子羽

補

子羽字彥修崇安人以蔭除修撰後知鎮江
不附和議忤秦檜予祠罷歸卒贈太傅諡忠
定

鐘模石

誰鑄三鐘樂乳形不須筍簞自能鳴仙君欲奏賓雲

曲只感清霜便發聲

建甯府志

鄭

裕補

裕紹興間莆田人

一經堂詩

宋進士方萬留意經術朱文公扁其堂曰一經在興化郡治東廂

莆之甲姓實維大方紫囊錦帳閱膏梁有子盈之
乃其最良心志乎道視之如忘博究六藝并包五常
東家尼父北窗羲皇日相討論兼收並藏五經在笥
一經名堂謙以自牧雖晦而光實浮于名雖抑而揚
伊昔孟氏排墨與楊斯文羽翼吾道棟梁豈特詩書
獨稱其長諸儒之說于孟何傷吾子命名既擇而詳

通而貫之輝涵汪茫剖破藩籬無門無旁默契韶濩
能宮能商正蒙折滯起廢鍼育以一知萬名實孔彰
人知同好絺句繪章立酒太羹子獨先嘗經術之門
驥騁康莊典謨之文鳳鳴朝陽學報天子業續星郎
以經名家非子誰當

興化府志

楊邦弼

補

邦弼字良佐浦城人億四世孫至震澤師王
蘋因家焉紹興十二年舉進士第三時行都
初建太學以邦弼爲博士踰年通判信州遷
大理卿以起居舍人使金還擢起居郎中書

舍人卒

挽王信伯先生

二首

伊洛親聞道淵微賴發揚東吳賢望重西觀舊書藏
吾黨將安放斯文豈遂亡堂堂甯復見門士慟新岡
梁木俄摧壤吁嗟喪大賢典型看肖子道學付誰傳
一代風流盡千秋物論先師言猶在耳身敢墜周旋

震澤
鎮志

王悅補

悅字習之莆田人紹興十二年進士累官吏

部郎知衢州

句

雞犬數聲雲一塢春陽桃李渺成蹊 觚稜脫脫風

塵表峭壁垂垂日月低

大帽山
莆田縣志

李則補

則字康成龍溪人紹興十二年特奏名進士
賀州桂嶺主簿轉通直郎致仕

臨漳臺

亭枕臨漳一水陰半空雲霧鎖寒林山從天寶來鸞

遠基闢開元厯代深

輿地紀勝

陳賓補

賓字賓王福安人紹興十二年進士累官從

政郎武平令

醒心亭 在楓亭驛

亭以醒心名心與亭何與物各有感通此理貴深喻
峴山峙豐碑見者皆墮淚推類盡其餘庶表名亭義
我昨發莆陽春光正明媚肩輿撼頓間思慮雜勞勤
行行復行行至此若沾醉振衣躡斯亭四顧足清致
芳樹播繁陰晴山薦空翠時有幽禽來且無俗駕至
物我方兩忘情景亦相會天君始泰然萬景絕纖翳
後樂與先憂虛靈良不昧揭扁端在茲夫豈無所試

尙期知我者他時來作記

仙游縣志

葉

茲補

茲字光烈永春州人紹興十二年進士仕至南恩守秩滿歸築室東偏匾曰燕堂日與賓

友觴詠其中

燕堂詩

初名燕堂後改曰長春

世情日淺道情深悔不林泉早脫簪一世簡編貽後葉百年香火奉先心詩緣好句須親錄酒到釀時輒倩斟於此更無關意事時携諸幼步花陰

永春州志

留正補

正字仲至泉州永春人居惠州紹興十二年
進士孝宗朝拜右丞相光宗卽位進左丞相
甯宗朝終少保觀文殿大學士封魏國公卒

贈太師諡忠宣

中興編年云慶元僞學之禁凡五十九人宰
執四人趙汝愚留正王藺周必大待制以上
十三人朱熹徐誼彭龜年陳傅良薛叔似章
穎鄭湜樓鑰林大中黃由黃黼何異孫逢吉
餘官三十一人劉光祖呂祖儉葉適楊方項
安世李直沈有開曾三聘游仲鴻吳獵李祥
楊簡趙汝談汝諧陳峴范仲黼汪逵孫元卿
袁燮陳武田澹黃度張體仁蔡幼學黃灝周
南吳柔勝王厚之孟浩趙鞏白炎震武臣三
人皇甫斌范仲任張志遠士人八人楊宏中
周端朝張道林仲麟蔣傅徐範蔡元定呂祖
泰

朝野類要云初入仕必具鄉貫三代名銜謂之腳色崇光間當書云不係元祐黨籍紹興間卽云不係童蔡朱玉等親屬慶元間加不

是僞學方與銓除

羅浮天漢橋

霏霏細雨溼芝田短短桃花照水妍可惜洞門闕不

盡彩虹天外著飛泉

惠州府志

劉

珙補

珙字共父子羽之子紹興十二年進士孝宗

朝累官同知樞密院事知建康府江東安撫

使行宮留守進觀文殿學士卒諡忠肅

帥潭日勸駕詩

十載湘江守重來白髮垂初無下車教再賦食苹詩
天濶搏鵬翼春融長桂枝功名儻來事大節要堅持

詩人
玉屑

送元晦

翩翩雙黃鶴結巢相因依一爲天風便矯翮西北飛
歲華及晚晚霜露侵征衣此行亦良苦千里以爲期
堂上元髮親榮祿當及茲人生會有役不復情淒洟
徘徊都門道欲語行且遲念子抱孤桐窈窕弦古詞
清商奮逸響激烈有餘悲不辭彈者勞正恐知音稀
知音何足貴我顧不可追

翰墨
大全

陳知柔

補

知柔字體仁號休齋永春人紹興十二年進士知循州徒賀州

萬年寺

古寺來投宿雲巖第幾層有詩堪供佛無事且依僧
小閣泉喧枕修廊雨暗燈好風看未足幽夢幾回登

天台
山志

九日宴蓮花峯

多病登臺今古情菊花搖動午涼生山前木落石巖
出海上潮來秋渚平野興已隨芳草遠歸鞭更傍落

霞明魏無十丈開花句獨卧禪房心自清

南安縣志

次海上長亭村

行到山窮處微茫島嶼青百年多逆旅萬事一長亭
風雨晚潮急魚蝦曉市腥平生誦佳句今見海冥冥

題洪景伯通判清閼堂

別乘清名滿世間却來堂下植檀欒已無俗物敗人
意且與此君同歲寒夜月平庭金影碎秋風一枕玉
聲殘雁行吏退鈴齋靜想見魏冠獨倚闌

以上天台別編

鄭耕老

耕老字穀叔莆田人紹興十五年進士授懷

安主簿改明州教授擢國子監簿

蘭陔詩話云公經術湛深所著有易洪範語
孟中庸解築書堂于木蘭坡上講學其中一
時名士多從之游

木蘭溪書堂

鄭子藏書處柴門碧樹灣開懷溪一曲養拙屋三間
月色斜侵竹鳥聲迴隔山輞川多勝趣何似此潺湲

興化府志

葉儀鳳

儀鳳字子儀侯官人紹興十五年進士歷漳
州軍教授著有左氏連珠八卷

邵武

溪上千峯碧玉環
瞰溪臺榭紫雲間
鳥啼花落非人世
似石金鰲在上山

城南城北草如茵
綠水青山眼界新
更問樵溪何處是
滿城桃李萬家春

輿地紀勝

鄭丙補

丙長樂人紹興十五年進士新城縣主簿

碧玉軒

長安回首遠如天
解榻祇園百病痊
身世本來如寄爾
佛僧同住更悠然
貧富千个不受暑
巖桂一枝或

自妍長與高人伴幽獨粥魚齋鼓度流年

新城志

林

仰補

仰字少瞻侯官人紹興十五年進士終朝奉

郎

桃源洞

深樹冥冥一徑風溪流應與十洲通仙家日日無人

識只愛桃花三月紅

天台山志

楊汝南

補

汝南字彥侯龍溪人紹興十五年進士初調

贛州教以薦知古田縣

夜宿龍頭

江流如箭路如梯
夜泊龍頭煙靄迷
兩角孤雲天一
握曉光不覺玉繩低

漳州府志

黃

徹補

徹字常明莆田人紹興十五年進士官辰州

有碧溪詩話

句

但遣一枝居巧婦不殊大厦供嘉賓

碧溪詩話云予題友人居云云蓋用爾雅注
鶴鶴俗呼巧婦炙穀子雀一名嘉賓

圓冠思得多于鮒刻木惟宜少似彪

碧溪詩話云北夢瑣言載江陵在唐世號衣冠藪澤琵琶多如飯甑措大多如鯽魚退之酬崔少府伊陽詩云下言人吏稀惟足彪與戲余官辰溪時土人皆可喜而不多得近城人虎雜居戲爲對云

朱子補

諱熹字元晦一字仲晦世爲徽州婺源人父韋齋先生松宦遊建陽之考亭遂家焉紹興十八年中王佐榜進士甯宗朝歷官寶文閣待制僞學禁起落職奉祠卒累贈寶謨閣直學士諡曰文理宗朝贈太師追封徽國公從祀孔子廟庭曾結草堂于建陽蘆峯之雲谷

扁以晦菴亦號雲谷老人既又創竹林精舍
更號滄洲病叟最後因筮遇遯之同人更名
遯翁有文集

寄劉珙胡憲一絕

先生去上芸香閣

胡

閣老新裁獬豸冠

劉除

留取幽

人卧空谷一川風雨要人看

翠屏

次陸子靜韻

朱子集作鵝湖寺和陸子壽

德義風流夙所欽別離三載更關心偶扶藜杖過寒
谷又在籃輿度遠岑舊學商量加邃密新知培養轉
深沈只愁說到無言處不信人間有古今

庶齋老學叢讀云晦菴象山二先生不惟以書往復辨論無極鵝湖倡和尤見旨趣象山詩云墟墓生哀宗廟歛斯人千古最靈心涓流積至滄溟水拳石崇成太華岑簡易工夫終久大支離事業竟浮沈欲知自下升高處真偽先須辨古今晦菴次韻云云

挽沈菊山

愛菊平生不愛錢此君原是菊花仙
正當地地下修文日恰值人間落帽天生與唐詩同一脈
死隨陶令葬千年如今忍向西郊哭東野無兒更可憐

杭州府志云沈菊山袁州宜春人由進士知錢唐嘗植菊數百本以自樂晚節益堅適以九月九日歿朱文公挽之云云

月波臺

潺湲流水注回塘中作平臺受晚涼四面不通車馬
迹一樽聊飲菱荷香韓公無復吟花鳥楚客何妨賦
藥房少待須臾更清徹月華零露洗匡牀

衢州府志云月波臺在開化縣金錢山北宋
山長江天然建朱子過訪作此遺之

讀道書作

四山起秋雲白日照長道西風何蕭蕭極目但煙草
不學飛仙術日日成醜老空瞻王子喬吹笙碧天杪

月夜述懷

皓月出林表照此秋牀單幽人起晤歎桂香發窗間
高梧滴露鳴散髮天風寒抗志絕塵氛何不棲空山

寄題咸清精舍清暉堂

山川佳麗地結宇娛朝昏朝昏有奇變超忽難具論
千嵐蔽夕陰百嶂明晨暎穹林擢遙景回澗盪秋氛
覽極慚未周窮深遂忘喧欲將身世遺况託玄虛門
境空乘化往理妙觸目存珍重忘言子高唱絕塵紛

述懷

夙尙本林壑灌園無寸資始懷經濟策復愧軒裳姿
效官刀筆間朱墨手持謂言殫蹇劣詎敢論居卑
任小才亦短抱念一無施幸蒙大夫賢加惠寬籤管
撫已實已優於道豈所期終當反初服高揖與世辭

九日

故國音書阻一方天涯此日思茫茫
風煙歲晚添離恨湖海尊前卽大荒
薄宦驅人向愁悴舊游唯我最顛狂
細思萬石亭前事辜負黃花滿帽香

同僚小集梵天寺坐間雨作已復開霽步至東橋玩月賦詩二首

傑閣翔林杪披襟此日閒層雲生薄晚涼雨遍空山
地迴衣裳冷天高澄霽還出門迷所適月色滿林關
空山看雨罷微步喜新涼月出澄餘景川明發素光
星河方耿耿雲樹轉蒼蒼晤語逢清夜茲懷殊未央

觀書有感二首

半畝方塘一鑑開，天光雲影共徘徊。
問渠那得清如許，爲有源頭活水來。

昨夜江邊春水生，蒙衝巨艦一毛輕。
向來枉費推移力，此日中流自在行。

入瑞巖道間得四絕句呈彥集充父二兄

清溪流過碧山頭，空水澄鮮一色秋。
隔斷紅塵三十里，白雲黃葉共悠悠。

風高木落晚秋時，日暮千林黃葉稀。
祇有蒼蒼谷中樹，歲寒心事不相違。

偶題三首

門外青山翠紫堆，幅巾終日面崔嵬。
只看雲斷成飛雨，不道雲從底處來。

擘開蒼峽吼奔雷，萬斛飛泉湧出來。
斷梗枯槎無泊處，一川寒碧自縈回。

步隨流水覓溪源，行到源頭卻惘然。
始悟真源行不到，倚筇隨處弄潺湲。

曲池軒

去年種竹長新篁，今歲穿渠過野塘。
自喜軒窗無俗韻，亦知草木有真香。
林間急雨生秋思，水面微風度

晚涼卻厭端居苦無事凭欄閒理釣絲長

齋居感興二十首

余讀陳子昂感寓詩愛其詞旨幽邃音節豪宕非
當世詞人所及如丹砂空青金膏水碧雖近乏世
用而實物外難得自然之奇寶欲效其體作十數
篇顧以思致平凡筆力萎弱竟不能就然亦恨其
不精於理而自託於仙佛之間以爲高也齋居無
事偶書所見得二十篇雖不能探索微眇追迹前
言然皆切於日用之實故言亦近而易知旣以自
警且以貽諸同志云

昆崙大無外旁薄下深廣陰陽無停機寒暑互來往
皇犧古神聖妙契一俯仰不待窺馬圖人文已宣朗
渾然一理貫昭晰非象罔珍重無極翁爲我重指掌
吾翁陰陽化升降八紘中前瞻既無始後際那有終
至理諒斯存萬世與今同誰言混沌死幻語驚盲聾
人心妙不測出入乘氣機凝冰亦焦火淵淪復天飛
至人秉元化動靜體無違珠藏澤自媚玉韞山含暉
神光燭九垓立思徹萬微塵編今寥落歎息將安歸
靜觀靈臺妙萬化從此出云胡自蕪穢反受衆形役
厚味紛朶頤妍姿坐傾國崩奔不自悟馳騫靡終畢

君看穆天子萬里窮轍迹不有所招詩徐方御宸極
涇舟膠楚澤周綱已陵夷况復王風降故宮黍離離
至聖作春秋哀傷實在茲祥麟一以踣反袂空漣洏
漂淪又百年僭侯荷爵珪王章久已喪何復嗟嘆爲
馬公述孔業託始有餘悲拳拳信忠厚無乃迷先幾
東京失其御刑臣弄天綱西園植姦穢五族沈忠良
青青千里草乘時起陸梁當塗轉凶悖炎精遂無光
桓桓左將軍仗鉞西南疆伏龍一奮躍鳳雛亦飛翔
祀漢配彼天出師驚四方天章竟莫同王圖不偏昌
晉史自帝魏後賢盡更張世無魯連子千載徒悲傷

晉陽啟唐祚王明紹巢封垂統已如此繼體宜昏風
唐聚瀆天倫北晨司禍凶乾綱一以墜天樞遂崇崇
淫毒穢宸極虐焰燔蒼穹向非狄張徒誰辦取日功
云何歐陽子秉筆迷至公唐經亂周紀凡例孰此容
侃侃范太史受說伊川翁春秋二三策萬古開羣蒙
朱光徧炎宇微陰眇重淵寒威閉九野陽德昭窮泉
文明昧謹獨昏迷有開先幾微諒難忽善端本綿綿
掩身事齋戒及此防未然閉關息商旅絕彼柔道牽
微月墮西嶺爛然衆星光明河斜未落斗柄低復昂
感此南北極樞軸遙相當太一有常居仰瞻獨煌煌

中天照四國三辰環侍旁人心要如此寂感無邊方
放勛始欽明南面亦恭已大哉精一傳萬世立人紀
猗歟歎日躋穆穆歌敬止戒癸光武烈待旦起周禮
恭惟千載心秋月照寒水魯叟何常師刪述存聖軌
吾聞包犧氏爰初闢乾坤乾行配天德坤布協地文
仰觀玄渾周一息萬里奔俯察方儀靜隕然千古存
悟彼立象意契此入德門勤行當不息敬守思彌敦
大易圖象隱詩書簡編訛禮樂矧交喪春秋魚魯多
瑤琴空寶匣絃絕將如何興言理餘韻龍門有遺歌

程子晚居
龍門之南

顏生躬四勿曾子日三省中庸首謹獨衣錦思尙絅
偉哉鄒孟氏雄辨極馳騁操存一言要爲爾挈裘領
丹青著明法今古垂煥炳何事千載餘無人踐斯境
元亨播羣品利貞固靈根非誠諒無有五性實斯存
世人逞私見鑿智道彌昏豈若林居子幽探萬化原
飄飄學仙侶遺世在雲山盜啟元命祕竊當生死關
金鼎蟠龍虎三年養神丹刀圭一入口白日生羽翰
我欲往從之脫屣諒非難但恐逆大道偷生詎能安
西方論緣業卑卑喻羣愚流傳世代久梯接凌空虛
願盼指心性名言超有無捷徑一以開靡然世爭趨

號空不踐實蹟彼榛棘途誰哉繼三聖爲我焚其書
聖人司教化黷序育羣材因心有明訓善端得深培
天敘旣昭陳人文亦褰開云何百代下學絕教養乖
羣居競葩藻爭先冠倫魁淳風反淪喪擾擾胡爲哉
童蒙貴養正孫弟乃其方鷄鳴咸監櫛問訊謹暄涼
奉水勤播灑擁篲周室堂進趨極虔恭退息常端莊
劬書劇嗜炙見惡逾探湯庸言戒癡誕時行必安詳
聖途雖云遠發軔且勿忙十五志於學及時起高翔
哀哉牛山木斤斧日相尋豈無萌蘖在牛羊復來侵
躬惟皇上帝降此仁義心物欲互攻奪孤根孰能任

反躬良其背肅容正冠襟保養方自此何年秀穹林
立天幽且默仲尼欲無言動植各生遂德容自清溫
彼哉夸毗子咕囁徒啾喧但逞言辭好豈知神監昏
日余昧前訓坐此枝葉繁發憤永刊落奇功收一原
次韻擇之金步喜見大江有作

江頭四望遠峰稠江水中間自在流並岸東行三百
里水源窮處卽吾州

此江發源分水嶺故前詩有楚水閩山喜接連之句

鉛山立春六言二首

雪擁山腰洞口春迴楚尾吳頭欲問閩天何處明朝

嶺水南流

行盡風林雪徑依然水館山村卻是春風有腳今朝
先到柴門

崇壽客舍夜聞子規得三絕句寫呈平父兄煩
爲轉寄彥集兄及兩縣間諸親友

空山初夜子規鳴靜對琴書百慮清喚得形神兩超
越不知底是斷腸聲

空山中夜子規啼病怯餘寒覓故衣不爲明時堪眷
戀久知歧路不如歸

空山後夜子規號斗轉星移月尙高夢裏不知歸未
得已驅黃犢度寒臯

陶公醉石歸去來館

在歸宗西五里

予生千載後尙友千載前每尋高士傳獨歎淵明賢
及此逢醉石謂言公所眠况復巖壑古縹緲藏風煙
仰看喬木陰俯聽橫飛泉景物自清絕優游可忘年
結廬倚蒼峭舉觴酌潺湲臨風一長嘯亂以歸來篇

行視武夷精舍作

神仙九折溪沿泝此中半水深波浪濶浮綠春渙渙

武夷溪凡九曲多急流亂石此第五曲水特深濶平緩綠漪可愛

上有蒼石屏百仞

聳雄觀巖露垠堦突兀倚霄漢

此峰夷上削下拔地峭立如方屋帽

按舊圖名大隱屏

淺麓下縈迴深林久叢灌胡然閱千載遠

此開一旦

峰下小山重複中有平地數十丈喬木長藤茂林修竹交相蔽隱舊無人迹乾道已

丑予舟過而樂之及今始能卜築以溯曩志

我乘新村船輟棹青草岸榛

莽喜誅鉏面勢窮考按居然一環堵妙處豈輸奐左

右蓋奇峰躊躇極佳玩

方經始時予以病不能來至是送別山西始自新村買舟

以來視所縛屋三間制度殊草草然背負大隱屏面直溪南大山左有魏王上昇峰右有鍾模三教等石極爲雄勝是時芳節闌紅綠紛有爛好鳥時一鳴王孫遠

相喚

山多獼猴

暫遊意已愜獨往身猶絆珍重舍瑟人重

來足幽伴

已約初夏與同志皆往遊集

淳熙甲辰仲春精舍閒居戲作武夷樵歌十首

呈諸同遊相與一笑

武夷山上有仙靈山下寒流曲曲清欲識箇中奇絕處權歌閒聽兩三聲

一曲溪邊上釣船幔亭峰影蘸晴川虹橋一斷無消息萬壑千巖鎖翠煙

二曲亭亭玉女峰插花臨水爲誰容道人不復荒臺夢興入前山翠幾重

三曲君看架壑船不知停權幾何年桑田海水今如許泡沫風燈敢自憐

四曲東西兩石巖巖花垂露碧氈氍金雞叫罷無人見月滿空山水滿潭

五曲高山雲氣深長時煙雨暗平林林間有客無人
識欵乃聲中萬古心

六曲蒼屏遶碧灣茅茨終日掩柴關客來倚櫂巖花
落猿鳥不驚春意閒

七曲移船上碧灘隱屏仙掌更回看人言此處無佳
景只有石堂空翠寒

後二句一本作卻憐昨夜峰頭
雨添得飛泉幾道寒

八曲風煙勢欲開鼓樓巖下水滎澗莫言此處無佳
景自是遊人不上來

九曲將窮眼豁然桑麻雨露見平川漁郎更覓桃源
路除是八間別有天

寄江文卿劉叔通

我窮初不爲能詩笑殺吹竽濫得癡莫向人前浪分
雪世間眞僞有誰知

僕不能詩往歲爲澹菴胡公以此論薦平生僥倖多類此云

問詩錄丙集卷八終

閩詩錄丙集卷九

侯官鄭杰原輯

侯官陳衍補訂

黃本仁

本仁字延任光澤人紹興十八年進士歷守

真化雷三州

七臺山

登陟最高頂四圍山盡低星辰可手掬杉檜與天齊
只覺風生腋恍如雲作梯何當謝塵事來此共幽棲

邵武府志

陳

光補

光字世德永春州人紹興十八年進士

和朱晦翁作

去年渭北望卿頰今日深山屐齒新
珠樹香沾千澗雨蓮峰翠滴四時春
漁郎有意休相問樵子無心可與親
石榻盤旋忘歲月瓶罍羞罄故人貧

永春州志

蔣

離補

離字元肅仙遊人紹興二十年進士知通州
將除贛州爲執政所沮著有樸齋文稿

句

入寺門圍玉帶水

龍華寺前有玉帶溝

曾

慥補

慥字端伯晉江人孝寬曾孫丞相懷之從兄官尚書郎直寶文閣奉祠閑居銀峯集百家類說凡六百二十餘種自號至游居士

題蘇養直詞翰軸後

元祐文章絕代無爲主盟者眉山蘇舊聞宗匠爲詩
匠今見東湖說後湖原注徐師川號東湖居士寂寞香山老居士
浩蕩煙波古釣徒瀾翻翰墨驚人眼一段清冰在玉

壺鐵網

珊瑚

方豐之

補

豐之字德亨莆田人監豐國鎮及與呂紫薇游陸放翁序其詩

歷崎道中

漠漠春陰接海低濛濛晚雨傍山飛半敲古埭無人過時有村童護鴨歸

後村詩話

章

淵

補

淵字伯淵惇之後用蔭入仕不就卜居長興之若溪有稿簡贅筆

子夜吳歌

并序

齊梁以來江南樂府詞多采方言用之穩帖不覺
爲俗語吳中下里之曲有云消梨應郎心上冷甘
蔗應郎心上甜又云羅裙十二褶小妻也是妾皆
有類樂府詞余因爲子夜吳歌二章云

消梨得能冷甘蔗復能甜總應郎心上爲儂素比纒
桃根復桃葉羅裙十二褶阿郎歡自濃小妻也是妾

槁簡
贅筆

妙庭觀

桃花流水小橋斜古觀臨溪翠竹遮聞道雙成有遺

迹欲求金鼎看丹砂

杭州府志

蕭德藻

補

德藻字東夫閩人紹興二十五年進士嘗令
烏程後遂家焉所居屏山自號千巖老人有

巖擇藁

楊誠齋序云近世詩人若范石湖之清新尤
梁溪之平澹陸放翁之敷腴蕭千巖之工致
皆余所畏也

采蓮曲

清曉去采蓮蓮花帶露鮮溪長須急漿不是趁前船
相隨不覺遠直到暮煙中恐嗔歸得晚今日打頭風

後村
詩話

古梅二首

湘妃危立凍蛟脊海月冷挂珊瑚枝醜怪驚人能嫵媚斷魂只有曉寒知

百千年蘚著枯樹三兩點春供老枝絕壁笛聲那得到只愁斜日凍蜂知

詠虞美人草

魯公死後一坏荒誰與竿頭薦一觴妾願得生墳土上日翻舞袖向君王

以上全芳備祖

呂公洞

復此經過三十年唯應巖谷故依然城南老樹朽爲

土簷外稚松青拂天枕上功名祇擾擾指端變化又
玄玄刀圭乞與起衰病稽首秋空一劍仙

寶退錄

次韻傅惟肖

竹根蟋蟀太多事喚得秋來籬落閒又過暑天如許
久未償詩債若爲顏肝腸與世苦相反巖壑嗔人不
早還八月放船飛樣去蘆花叢外數青山

登岳陽樓

不作蒼茫去真成浪蕩遊三年夜郎客一柁洞庭秋
得句鷺飛處看山天盡頭猶嫌未奇絕更上岳陽樓

以上瀛
奎律髓

句

乾坤生長我貧病怨尤誰
秋浩蕩中遙指點一螺
許是定王城 稚子推窗窺過雁數峯乘隙入西窗

秋陽直爲田家計饒得漁村一抹紅

後村詩話

陳景肅

景肅字和仲漳浦人元光裔孫紹興二十一年進士官南恩知州知制誥卒諡廉獻有石

屏拈翠集

懷高東溪二首

鑿泉莫太深太深井難汲登山莫太高太高頂難立

山頂仰可觀井淵俯可挹那知鴻鵠飛梅杏無消息
謬謬東溪士吹簫澗谷春一別阻雲水相思勞夢魂
五湖秋夜月三島春空雲璫標月下見玉唾雲間聞
何當一返駕吟弄終乾坤

案見漳浦縣志

黃芻

芻字季野莆田人紹興二十一年進士官懷

安主簿

蘭陔詩話云公爲文節高弟志行高古學術精醇惜不永年著作鮮傳此詩刻石在李氏祠內錄之以存豹斑

挽李制幹

先生雲卧在梅峰胸飽珠璣貌自豐端坐渾如喬嶽
象傳經足並化工同門前桃季春長在身後勳名遠
更通見說義兵扶社稷千年國史紀元功

林

桷補

桷字子長一字景長安溪人紹興二十一年
進士秦燔之堦官右司郎中有橫堂小集

太白五松書院

翰林最愛五松山嘗說千年未擬還而我抗塵良自
媿來遊祇得片時閑

池州府志

陳居仁

補

居仁字安行莆田人家明州紹興二十一年
進士孝宗朝累官中書舍人華文殿直學士
提舉太平興國宮卒諡文懿

西湖感舊

蘇公隄畔采蓮船蘸碧樓臺動管弦山色湖光宛如

昔心情不似十年前

咸淳臨安志

宋 翔補

翔字子飛建陽人紹興二十一年進士官湖
南安撫參議有梅谷集

紹興樂府 時韋太后歸慈甯宮

天意回皇母歸哉烽燧敞宮闈朝陽赫奕明鞠衣惟
皇之孝惟母之慈陳仙仗薦壽卮從之冢后與庶妃
奏之以一作九成與咸池杳珍瑞駢福祺山陬水裔咸
熙熙惟天之相與帝之宜千萬年無窮期

建陽縣志

林之奇補

之奇字少穎福州侯官人紹興二十一年進
士尉長汀召爲校書郎終朝奉郎有拙齋集

新晴山月 宋文鑑作文同

高松漏疎月落影如畫地徘徊愛其下夜久不能寐
怯風池荷卷病雨山果墜誰伴余苦吟滿林啼絡緯

江月圖

冥冥一月輪不知水與天獨于顛氣中仰見素壁圓
超然狂道士起視清夜闌自拈白玉笛吹此江月寒
想當萬籟息逸響流空煙我從江海來形留意先還
何當買漁篷追此水月仙

以上拙齋集

廖

挺

補

挺南劍人紹興二十一年進士乾道初建昌
軍學教授

句

餘波下作雙溪水祇欠休文八詠樓

雙溪閣輿地紀勝

余鳳

鳳字季鸞莆田人紹興二十一年進士官吉州通判

胡澹庵招宴

稱藩割地竟何如抗疏孤臣只索居萬死不回三寸舌千金空募一封書醉中益抱蒙塵恨夢裏猶呼和議愚長腳老奸今已朽請君努力上安車

魏吉甫

吉甫字元嘉莆田人紹興二十四年進士官大理評事累遷戶部侍郎

蚤朝

鳴珂曉入奉天門
仰見宸居氣象尊
斗轉星回新歲
月龍盤虎踞舊乾坤
國威震疊邊
匪肅帝澤汪洋浪
井溫雒邑鎬京相對峙
萬年周業付神孫

柯岳

岳字剛中莆田人紹興二十七年進士官兩淮轉運使

贈賈司教

春風桃李絳帳朝
日苜蓿空盤王公不志溫飽
鄭老豈爲飢寒

黃維之補

維之字叔張永春人紹興二十七年進士孝
宗時除大理丞差知邵武軍嘗與朱子論學
有竹坡居士集

句

九日溪頭携酒去萬安橋上折花歸

洛陽橋
輿地紀勝

李明補

明一作汝明長汀人貫山東濟南府字吉甫
紹興二十七年進士官連州司法參軍

遊樵嵐

禪林晝靜寶坊新花木陰深別樣春不是紅塵飛不到只應無處着紅塵

邵武府志

趙善俊

補

善俊字俊臣簡王元份六世孫邵武人紹興二十七年進士官至秘閣修撰知鎮江府

虎邱寺

我家山與茂林閉門肯復事幽尋偶來千古雲巖寺洗盡三生宦海心竹鞭不停泉溜響苔花難掩劍痕深秋晴借得重陽意領客登高共醉吟

虎邱志

黃榆

補

榆字公擇羅源人紹興二十七年進士知海
鹽縣禁戢豪宗境內肅然累官右正言封羅
源縣開國男官至祕閣修撰卒贈少師

元日待漏院會宰詩

喜陪仙仗禁門前餞臘賓春啟玳筵共聽金雞報新
歲忽聞玉漏惜殘年故鄉此去三千里丹旰相違咫尺
天待罪諫垣無補報惟輸朴直體著宣

羅源縣志

黃瑀補

瑀字德藻閩縣人進士紹興中知永春

樂山禱雨

直上雲峰表雲間謁洞天自慚無善政來此乞豐年

永春
州志

謝洪

洪字範卿莆田人紹興三十年進士授海豐

主簿調永豐縣丞

賦梅

補

朔吹颼颼著古梅寒枝冷落俟春回可憐雪萼無人
問乞借陽和早放開

興化府志云謝洪來蘇里人父穆號鰲軒主
人力學教子人目爲書笥洪聰悟絕人童
時已有文名鰲軒嘗以事忤縣令洪亟走救
之令指庭中梅謂曰能賦此乎洪操筆立就

云云令異之

梁克家

補

克家字叔予晉江人紹興三十年進士第一
累遷中書舍人孝宗朝拜右丞相封儀國公
卒贈少師諡文靖知福州時嘗修三山志

賦九月梅花

老菊枯殘九月霜誰將先煖入東堂不因造物于人
厚肯放南枝特地香九鼎變調端有待百花羞澀敢
言芳看來冰玉輝相應好取龍吟播樂章

梅圃詩話云梁鄭公克家未第時爲潮州揭陽宰館客寓縣治東齋齋前有梅一株忽于

九月中盛開嶺外梅著花固早于江浙間必
至冬方有之邑人殊以爲異邑士多賦詩往
往誦令君梁公亦賦一篇云云明年廷對魁
天下

次陳休應烹茗廓然亭見送韻

已行更爲玉泉留好景煩公傑句收紫帽峯前雙鷺

下幾多清興滿滄洲

南安縣志

林外補

外字豈塵晉江人紹興三十年進士官興化

令有嬾窠類稿

題西湖酒家壁

藥爐丹竈舊生涯白雲深處是吾家江城戀酒不歸

去老卻碧桃無限花

齊東野語云林外詞翰蕭爽詠諧不羈飲酒
無算在上庠暇日獨遊西湖幽寂處得小旗
亭飲焉外美風姿角巾羽筆飄飄然神仙中
人也豫市虎皮錢篋數枚藏腰閒每出其一
入酒家保傾倒使視其數酬酒直卽藏去酒
且盡復出一篋傾倒如初逮暮所飲幾斗餘
不醉而篋中錢若循環無窮者人皆驚異之
都下甚傳其酒家有神仙至云
馬曰璠云庚溪詩話亦載此詩以爲必神仙
語不知爲外詩也陶宗儀又以爲龍川藍喬
作只數字不同西溪叢話則以爲終南作磬
監青州酒稅題酒樓所作一詩互異如此

黃

銖補

銖字子厚號穀城翁建安人少師事劉屏山
與朱子爲同門友有穀城集其母孫夫人道

綉號冲虚居士能文有詞

鐵笛亭

一聲蒼壁裂再奏蛟龍悲事往迹猶在山空人不歸

梅花

玉簫吹徹北樓寒野月崢嶸動萬山一夜霜清不成
夢起來春意滿人間

秋日

曉日初浮萬里暉西風搖蕩送秋歸冥鴻直上三千

丈社燕春鶯不敢飛

以上詩人玉屑

送仲晦

靡靡歲時晏亂山紅葉稀端居已無惊况與親故違
駕言臨廣路惜此須臾期祖燕未云洽雞鳴促再馳
晨裝儼然隊天澹風淒淒迤邐征人行悵惘離言悲
令德本高世誠思開聖微虎豹文采異幾年丹詔垂
眷茲皇華寄那得淹遐隣君王久延佇去矣翔天墀
願我抱幽獨已爲清世遺冥鴻聿高舉蜩鸞何由追
縈縈西郊道曖曖朝陽暉出處自殊迹操袂胡不怡
明當逐雲月依舊東岡陂

翰墨
大全

陳元老

補

元老福安人有城山集

寒食

至後百五日春光無火晨金鈿沽酒妾羅襪弄毬人
鶯語如留意花枝不賣貧東園舊桃李紅白盡成塵

合璧事類前集

陳翔

翔字子飛建陽人紹興中童子科登進士國

子監簿

全閩詩話云陳翔紹興中由童選進士累官國子監簿時章太后既歸慈甯宮祥瑞交至

因獻十二章云云

案此紹興樂府已見本卷宋翔下是建陽縣志以爲宋翔作全閩詩話又以爲陳翔作矣但兩人均建陽人均字子飛均紹興閒人而

宋翔登進士官至安撫參議並有梅谷集原
翔則中童子科官國子監簿又另有七歲時
所作之詩未能遽定其爲一人與其姓之爲
宋爲陳今仍分存其名以紹興樂府屬宋翔
以詠燈詩屬陳翔以俟再考
又案詩話此詩爲樂府十二章之一其十一
章不傳矣

詠燈

耿耿照幽房
熒熒鶴焰長
昔年江上女
曾向乞餘光

全閩詩話云陳翔七歲時劉子翬命賦燈詩
援筆立成云云

方希覺補

希覺字民先莆田人紹興間知英州軍州事
嘗築眾樂亭于南山李修有眾樂亭記董粹

有滇陽太守遊記刻于碧落洞

希覺到官郡口之餘卽新衆樂亭爲州人遊觀

之所因成拙句

重尋佳景冠南州南山之景唐賢遊迹天與邦人作勝遊百尺

臺成偏得月四時花放不知秋當軒疊嶂高還下傍

檻長溪咽復流只道使君能共樂有誰能會使君憂

希覺及瓜將行留別南山

南山陳迹徧搜尋好景森羅直萬金別後不知誰念

我經營偏費主人心廣東通志

張登補

登福唐人紹興中左朝請郎知南恩州

留題熙春亭

熙春亭建爲民安要識熙熙本不難一日但能先克
復百年雖久亦勝殘滿城和氣薰天地終歲長春忘
暑寒斯道古今無異路留題詩與後賢看

廣東通志

黃

朴補

朴字文卿龍溪人以蔭入仕宰安溪崇學校
課農桑紹興中通判福州

玉泉

水性能方圓泉色常珪璧雲山靜有輝瓊液來無迹

泉上修禪人曹溪分一滴鑑止更澄源紛紛萬緣息

宋詩拾遺

顏師魯

補

師魯字幾聖龍溪人紹興進士官至龍圖閣直學士知泉州卒諡定肅宋史有傳

第一山

聞說淮南第一山老來方此凭欄干孤城不隔長安

望落日空悲汴水寒

輿地紀勝

牟孔錫

補

孔錫紹興時人官敘州別駕李流謙澹齋集

有送孔錫之官敘南二首詩有蟾窟聲名早
鰲峯氣象尊當是閩人而曾納舉者

句

天池十里如鑑湖荷花可折魚可鱸

天池

輿地紀勝云天池在州治之西二十里池有二後池長五里前池半之蓮荷菱芡彌望別駕牟孔錫有詩云云

鄭暉老

補

暉老紹興中福建人

賀鄭簿生孫

望及清秋到眼明建溪溪上現長庚雲間鶯鶯人間

見天上麒麟地上行釋氏抱來真傑特寶公摩後必
奇英傳家已有今衣鉢會見公侯衮衮生

截江網

傅汶

汶字元魯仙遊人以父仁蔭補官紹興末通
判廣州官至廣西提舉

留題雙清閣

森森古木藏龔舍閣敞長江景倍清疊障望中供遠

翠小灘耳畔碎寒聲

輿地紀勝

陳謙

謙字仲甫莆田人隆興元年進士累官兵部

侍郎乞補外以集英殿修撰知甯國府再乞

致仕封清源郡侯

蘭陔詩話云正仲書法遒勁頗類君謨淹貫羣籍詩文不作險語而雅有典則

過溪南韓氏宅

曾覽溪南勝重來四十年樹如人老矣山共水依然
香玉紛堆案晴虹對跨川吾廬今咫尺乘輿且盤旋

莆陽
文獻

十洲亭

東塘昔號神仙景亭以洲名世亦稀山擁髻鬢臨水
鑑花鋪雲錦出天機好風入座清如濯古木分行翠

欲圍每到憑欄會心處不知香氣襲人衣

白牡丹

玉色天然賽渥丹亭亭並立倚朱欄正緣不語偏含
思若使能行卻厭看

曉來玉露浥香腮雪態雲裳妙剪裁不比世情隨冷
煖此花端爲老人開

句

竹密不知雲欲雨山高盡見水朝宗

案四朝聞見錄云蒲陽陳讜文人也刻金字于靈壁石以壽韓侂胄至稱曰我王韓欺遂爲言者所彈陳留題吳山三茅觀梅亭句云云至是猶未有和者

林光朝

光朝字謙之莆田人隆興元年進士以名儒
召對改左承奉郎知永福縣召試館職除秘
書省正字累官朝散郎充集英殿修撰出知
婺州請祠提舉太平興國宮卒諡文節有艾

軒集

蘭陔詩話云公理學大儒而詞翰極工陳復
齋稱其森嚴奧美上參經訓下視騷辭劉後
村亦謂其文高處逼檀弓穀梁平處猶與韓
並驅非虛譽也

案宋詩鈔小傳云光朝學於陸子正子正學
於尹焞而光朝之學一傳爲林亦之再傳爲
陳藻三傳爲林希逸其師友之際如此林俊
曰艾翁不但道學倡莆詩亦莆之祖用字命

意無及者後材雖工其深厚未至也

上何著作晉之

曾向東南識大名幾年懷想浙濤聲衆人欲殺定誰
惜與世不諧空自清浩氣養成天地小宦情都付羽
毛輕三山依約誅茅日頭白歸來笑李生

送別湖北漕李秘監仁甫

補

文字耽煙雲過眼徒浩浩所有未見書惜哉吾已老
子雲客長安陳迹如一掃同叔向來人我生苦不早
亦聞青城山斯翁爲有道瞿塘不可上秋夢長顛倒
白日來西崑一見自應好縱譚百代前至境非枯槁

多爲開口笑，明月生懷抱。黃鶴有高樓，悅如事幽討。
攬轡逢道州，聽書下下考。周南勿留滯，掇拾供史稿。
分手重酸辛，璠璣衆所寶。十日不得面，何爲太草草。

送別姚國博知處州分韻得綠字

補

銅盤白露下，松桂淨如沐。變彼菊花團，西風吹醞醪。
長安多別離，此別苦不足。人物如使君，容易等潘陸。
一自海東頭，清飈起謠俗。館下欲何言，聯翩如破竹。
功名不徒爾，無乃相追逐。雙日訪延英，行矣公勿卜。
括蒼煙雨前，寒光貫巖腹。大叫出銀鬕，邂逅聚百族。
要携三月糧，所厭惟一劑。幸心忽開張，何曾畏笑僂。

單父勿長吁來者猶可續道旁有抵壁天下輕結綵
一夕洲渚言令我沈心曲

代陳季若上倉

補

大塊始開鑿媧皇爲補天天平雷雨正后稷誨之田
大浸十二歲流金復七年幸哉堯湯民以手摩撫然
徂丘虐焰起秦俗相焚煎官租奪以半飽食何貧緣
自從漢道昌敦朴乃其先初開常平議聚粟如源泉
年登穀價賤散以大農錢旱潦或艱食用之如轉圜
悠悠百王心皎皎三代前井田日以壞此法當磨鏤
公侯希世珍秀色媚長川官學有根株誦詩三百篇

風土無隱情是爲大夫賢搏飯哺赤子當食長爾憐
江東百萬戶彫俗生春妍持節閩嶺初有如病者痊
劉晏取予術夷吾輕重權義倉有粟腐物價敢喧闐
斯助阜民政南風吹五絃晝日公侯門客車動百千
下吏走塵土從容愧執鞭豈不隨吹噓譬彼乘風船
長技非卓魯主德奚由宜松竹伴孤吟敢懷歲月遷
終酬國士知未甘長棄捐

石渠行送別福建參議李著作器之

補

我來石渠五十六雙髻如蓬腰未曲豈爲健筆有徐
庾自歎來時六十五誰解辛苦續子虛長安有客四

十餘已老成翁不肯去青藜當戶夜讀書東觀丈人
起遐想無爲歲月空踟躕去作諸侯老賓客可無絲
水兼紅蕖我家東下纜百里釣螺一曲清無滓草堂
爲築荔枝斜濯錦江頭有如是子思子方道爲尊南
國佳人如秋雲不知公侯有朱箔要問常州李著作

資中行奉寄臨邛守宇文郎中

補

銅駝陌上生秋草前者刻石今如掃儋邊半紙半模
糊下牀三日成悲惱蒼史萌芽何可見要從筆意生
秦漢欲將奇字問何人所守一家如小篆是中變幻
隨形模鐘罇鼎鬲盤盂如何兩京到魏晉搜盡蒼

崖惟此書卽今原隸見顛末仍於畫上分錙銖燕然
有年固可紀筆勢豈得先黃初中郎袖手欲無作正
始不逮况其餘幸哉一見俱抵掌翩翩如反古石渠
且說金陵佛屋何年燈晉分隋張猶青燵忽聽荒雞
還自起資中之刻不徒爾

吏部尙書林公梅卿挽詞

補

百紙梅花賦聲名出渚東向來惟李賀勝處是楊雄
遶屋看書帶逢人說刺桐尙書舊時履只合步春風

次韻呈胡侍郎邦衡

并引 補

某竊觀侍講侍郎先生大書著作之庭其形摹濫

觴發於小篆豈八分未出已有此書又蒙傳示銀
杏兼簡之什謹次韻奉和

聲教從今已遠覃翩翩作者問誰堪石經猶有中郎
蔡金匱曾誇太史談至竟銀鈎并鐵畫相傳海北到
天南諸生考古頭渾白禹穴何時更許探

送別傅郎中安道持節闕中

補

忽然鄉思若爲收莫到三茅最上頭二月東風看負
弩一天南蕩想行舟過家上冢從今數落絮飛花合
晝遊料得甘泉來奏記定應前席莫遲留

閏月九日登越王臺次韻經畧敷文所寄詩

補

閑陪小隊出山椒爲有吳歌雜楚謠
縱道菊花如昨日要看湯餅作三朝
千重嶺海供橫槩一帶風煙聽
采樵憑仗折衝如此好不應東去更乘輅

枕疾逾旬蒙丞相訪問仍辱寵示名篇輒搜枯

腸次嚴韻以塞來使

補

丞相嚴裝似燕居爲憐消渴到相如
病多得艾三年遠歌雜成琴十日餘
綠野忽傳春草句白頭還對朶
雲書若爲追逐園林勝百轉愁腸亦少舒

送別陳侍郎應求知泉州

并引

補

某竊觀蔡公侍郎嘗大書於洛陽橋之上侍郎過

洛陽當摩挲此石彷彿爲同日事也某送別到惠
安道中因以賦詩云

百片牙旗水面長蔡邕題在刺桐鄉十年杯酒開雲
榭一樣官衙過洛陽我亦携家緣送客誰能掃地自
焚香野橋衝臘寒梅白莫要登臨憶侍郎

傅使君安道再有治蒲之命取道城外還泉南

得來書云已出十里

補

何事風流舊使君江邊聽說下朱幡逢迎要問平津
郎準擬來呼垓澤門竹馬已喧明月浦藍輿卻出杏
花村不知錦瑟流傳徧欲愈頭風好細論

挽李制幹子誠補

千金治產似孫吳，珠箔銀觥只自如。問我長風當夕起，數他極浦落帆初。自知汗簡今千軸，更說生犀有幾株。赤壁當年遇黃蓋，周郎何惜借吹嘘。

文字紛紛更問兵，秋燈東髮尙青熒。便令三子成門戶，卻許諸孫說典刑。隔水忽傳朝露曲，行人長數夕陽亭。河東健筆惟諸薛，梅子岡邊爲勒銘。

奉題游洋張明府流香亭時以薦章數下涉秋

月馬首且欲西矣因以寄意云補

封題青李數緋桃處分園林意自豪，旋出篇章陪樂

一
尉更憑花木續離騷
醪醑架下提春榼
簷苟林中滴
夜槽卻是秋風生馬耳
未應老大笑牛刀
以上艾軒集

傅伯壽

補

伯壽字景仁晉江人隆興元年進士紹熙中

官浙西提刑

一段奇軒

在西湖淨相院

門外紅塵走利名
庵中白髮任浮生
羨師法窟能深入
厭我詩壇已屢盟
渺渺水光簾萬疊
離離梅影雪
三更何人薦取真消息
試鼓瑤琴一再行
咸淳臨安志

一眺石

一眺人閒事已非海鷗山鳥便忘機林端鬢髮見帆

影知有扁舟天際歸

南安縣志

傅伯成

補

伯成字景初其先濟原人祖忠肅公察父自得避地居泉州爲晉江人隆興元年與兄伯壽同舉進士理宗朝官至寶文閣學士提舉佑神觀卒諡忠簡有竹隱集

素馨花

自注素馨南漢宮女名

昔日雲鬟鎖翠屏祗今煙冢伴荒城香魂斷絕無人

問空有幽花獨擅名

全芳備祖

袁樞補

樞字機仲建安人隆興元年進士累官國子祭酒擢右文殿修撰知江陵府奉祠歸

武夷九詠

存三

仁智堂

此身本無累動靜隨所寓結廬在巖谷自適山水趣
朝來挹雲氣日夕沐風露坐觀天地心詎忘仁智慮

寒棲館

巖前風入松谷口泉漱石寫之五弦琴聲在函丈席
竹閒有餘地營館招羽客靜夜絙高弦待月寒林隙

晚對亭

落日鬱蒼煙空山轉寒碧石屏倚天立端峭一千尺
無言獨與對足以終日夕何用向時流抵掌恣談劇

武夷
山志

袁說友補

說友字起巖建安人隆興元年進士嘉泰中
同知樞密院參知政事爲四川安撫時輯漢
以下迄宋淳熙蜀中詩文釐爲五十卷目曰
成都文類

巫山十二峯二十五韻

平生磊塊山林姿一丘一壑貪成癡寸峰拳石瞥眼
過張皇攫覓惟憂遲東南佳山多秀麗就中所欠雄
與奇飽開巫山冠巴峽奇峰十二相參差昔年圖畫
嘗一見欲見此山無路之扁舟西泝上三峽千巖萬
壑爭追隨終朝應接已不暇心目洞駭俱忘疲驀然
鐘鼓高唐上峰巒二六排旌旗一峰霞彩迴在望一
峰展翠開屏幃望霞峰翠屏峰無心出岫雲吐色偃蓋平巒
松並枝朝雲峰松巒峰仙蹤鶴駕羽衣近壇石瑤臺闕闕低
集仙峰聚鶴峰淨壇峰上昇峰白雲一起鳳皇下清泉四合蛟龍嬉
起雲峰聖泉峰栖鳳峰登龍峰羣峰角立變態異一大巧乾坤爲

外堪擊拊試聲律中含造化分四時天下名山亦多
矣未有列岫奇如茲九華一景固天巧惜與江流相
背馳南北兩峰喧衆口妝抹卻恨同西施何如此峰
無限好行行列橫江洲煙雲漠漠出寸碧風雨時
時橫黛眉舟人漁子漫回首騷士墨客勞支頤我來
穿水入天去貂裘章甫生塵縮昂頭見此大奇特躋
攀不上空嗟嘻吾將欲訪三鳥登九巖上蓬萊道山
之壁絕秦華終南之岵飛鳧去鳥嘯滄海卻來巫峽

溫前詩

全蜀藝
文志

題米敷文瀟湘圖卷

閩詩錄丙集卷九

宋

三

水際天低岸遠山腰霧卷雲舒擬喚松江小艇歸來

好趁尊罍

郁氏書畫
題跋記

楊

方

補

方字子直長汀人自號淡軒老叟隆興元年

進士受業于朱子仕至直寶謨閣廣西提刑

案武甯縣志誤作楊芳字子長
趙南塘跋云公暮年詩精清簡遠與俗異

淳熙辛丑自武甯丞攝靖安作

毛竹山頭雲雨昏靖安橋下小谿渾高陂約水歸田
急不管湍聲入縣門

堂上官人似野人村毗相見可相親開門坐對臨溪

樹故是水邊林下身

案武甯縣志誤合前首後兩句及此首前兩句爲一首而野字作散毗字作人可字作且

對縣誰家數畝園竹亭茅宇雜花繁同官不可無兼
局通管溪南水竹村

題武甯丞廳

暮年叢薄寄鷓鴣搔首巡簷歲月銷留與後人還要
否一軒松竹冷蕭蕭

館中簡張約齋

書生賦分合窮愁官與休辰不肯休清曉犯寒開省
戶誰家見雪似瀛洲

爛銀宮闕雲中見素柰園林月下遊說與南湖張祕

閣速來同直道山頭

以上後村詩話

張體仁

補

體仁字元善浦城人本姓詹初嗣其舅張後復本姓隆興元年進士累官江南提舉常平宋史有傳失載復復姓事

呈提刑郎中起巖年兄

秋鴻社燕巧相違從古交遊會合稀海內弟兄今有幾吳中賢士得相依已消桃李爭春意且向桑榆共夕暉回首慈恩舊題處年華心事逐雲飛

石刻

章

游補

游字仲濟浦城人吳縣籍隆興元年進士

姑蘇臺會同年次袁說友韻

咫尺天顏祇躔違兩臺聯桂世誠稀共觀鵬運垂雲
舉還幸魚寒密藻依賦政將明仲山甫登樓吟詠謝
玄暉要津自足升英俊六鷁毋令恨退飛

石刻

句

度險聊憑九節杖凌虛來謁三花巖

輿地紀勝

黃

適補

適字景聲邵武人隆興元年進士不附韓侂

胄出爲江西提刑請老歸自號熙堂野老

武夷

閑將綠綺弄清音招得青山作故人煙靄謾呈千樣

巧松篁長貢四時新

輿地紀勝

劉天麟

補

天麟晉江人隆興元年進士

題黃子中南陂集

自歎苦吟詩不老羨君詞氣凜橫秋爭如兀坐茅簷

下得見凌雲五鳳樓

泉州府志

詹羽

補

羽字翔父甯德人隆興元年特奏名官主簿

西陂

野渡扁舟自在浮
慣來江上不驚鷗
一竿釣破滄浪

月喚入蘆花暗點頭

甯德志

張

維補

維字仲欽延平人隆興中通判建康府事乾
道中廣西經畧安撫使

留守舍人張公安國聞維築亭爲題其榜曰朝
陽旣去而亭成復賦詩次韻

日邊清切以文鳴
立對朝陽欲問程
筆落春生變寒

谷詩來將喜破愁城簷前水到乘槎便天際山橫與
檻平準擬公歸道過此小留觴詠集簪纓

景定建
康志

題張公洞

年來行樂與民同探穴追蹤太史公幽洞初開名易
著蒼崖新刻句難工風驅俗駕松扉外雲鎖仙丹石
室中付與山僧司管鑰勿教勝地草蒙茏

桂勝

陳璉補

璉莆陽人謙次子

七星山

六丁何年開翠岑穹窿石室高千尋煙生丹竈人常

在花落碧桃春又深倚巖懷古成浩歎掃壁題詩還
獨吟日華月華去已遠玉笛誰能傳妙音

廣西
通志

閩詩錄丙集卷九終